

海鹽縣志



重修海國圖志
卷二十一
圖說一卷
錄一卷

卷二十一
海國圖志
卷二十一
海國圖志
卷二十一
海國圖志

海鹽縣志序

浙江通志成於乾隆紀元之年迄今百有四十年同治甲子春三月官軍平杭州夏六月平金陵秋八月平湖州東南大定兩浙肅清時田賦兵制有更變祠廟官廨橋梁有建修與難官紳士女有節義舊文散佚新政待書當軸議修通志而省必資郡郡必資縣羣流既匯巨川乃成理也亦勢也瑤蒞官禾中迄今十有三載於禾事時亦殷殷相詢訪而府志未舉非敢緩也實有資也去年春海鹽令閩縣王叔雅延鴻臚卿徐小雲修縣志今年三月志成考覈綜貫釐然斐然因而歎天下事之成在誠篤在專精在有

海鹽縣志

卷首

序

遠大之志而其間又有際遇以曲與全之也何言之文墨之事關繫天性今世膺赤緊者錢穀簿書有期會以督責之不能不兢兢於方寸若徵文考獻無關課最淡漠置之比比然矣叔雅昔攝江山則修志今攝鹽邑又修志遇事勇爲惟日不足蓋其性情誠篤不視官爲傳舍實事以實心將之遂成此舉所謂循良之吏半歸儒雅者非與抑又聞之志乘與史相表裏僅習帖括而迂曲不達時務未足任此又有一書眾手意見未融窮年累月虛耗經費比及成帙終不免牴牾時見職不專之咎也鴻臚枕經莊史古意盎然又復珥筆清要典章彙憲靡不諳習遂乃參古以

定體準今以合裁讀禮之餘杜門謝客惟與孝廉張君銘齋明經李君存希暨其介弟次雲朝夕商榷一切噓雜糾紛之論不入其中慘淡經營不期年而事竣專矣精矣他日傳之無窮足與胡氏圖經并垂不朽謂非遠大之志哉顧瑤猶謂有際遇以曲與全之者則又奚說自來郡縣之事非官不倡非紳不成志之修也公牘必籍官風土列傳必恃紳兩相毗倚缺一不可瑤不遇叔雅則鹽志之修不知在何時至鴻臚翱翔樞院宏贊嘉猷若不因銜恤歸里則叔雅雖欲修志恐亦未必遽能葺事也賢豪相際美善斯全天下事類皆如此豈獨一志云爾乎是爲序

海鹽縣志

卷首

序

二

光緒二年歲在丙子季春月補用道浙江嘉興府知府善化許瑤光撰

海鹽縣志序

海鹽故越地也自嬴秦置縣以迄於今疆域五析治城四徙而不易舊名東瀕大海有魚鹽之饒南引澉水有湖山之美西北則陂塘平衍沃壤連阡夙稱東南緊望山川鍾毓實生偉人其以文章經濟忠孝節義輝映史乘者未易更僕數同治甲戌之秋余捧檄來攝縣篆下車卽訪求前志稽攷舊聞以爲張弛之助顧自乾隆初年續圖經後未有踵而載筆者百餘年來文獻闕如後將何徵焉會太守許公議修府志檄下屬邑各修其志以上之郡備采擇余維志猶史也苟非擇精而語詳詎足信今而傳後鴻臚徐

海鹽縣志

卷首序

三

君小雲珥筆樞垣熟諳掌故而於梓鄉遺事尤所習聞適奉諱里居乃造廬延請屬筆更邀鴻臚之弟次雲廣文及孝廉張君銘齋明經李君存希分任採輯校訂之事余亦稍參末議閱一年而書成凡表三篇考五篇錄一篇傳六篇而首冠以圖末附以雜記及序錄爲卷二十有四體例精密蒐羅宏富而立言一歸簡要非第備一方掌故並足爲

國史要刪所謂信今而傳後者其在斯乎蓋嘗流覽往事而知海鹽在前明時爲禍最烈自洪武至嘉靖倭寇內犯頻罹其害隆慶萬厯崇禎間海溢者四皆非常之變今幸

海隅無警石塘又以時修築民獲安居矣然自經粵匪之亂民物凋敝城市蕭條野多曠土則農桑尙待勸課士鮮鄉舉則文教尙待振興余不敏承乏茲土緬懷魯參政之遺風心竊嚮往而於地方利病罕所規畫則又慙焉不安覽斯編而因時損益之固守土者之矩矱也豈徒日流連景物粉飾具文已哉是爲序

光緒二年歲次丙子春三月同知銜署海鹽縣知縣閩縣王彬撰

海鹽縣志序

邑志自明永樂至天啟凡五修嘉靖以前不可考矣萬曆中仇助教志今僅有存者天啟中胡職方圖經文詞古雅考据精詳自成一家著述

國朝康熙中有彭羿仁童松門合志楊麗崖又踵而增之二書皆未付梓乾隆中陳副憲錢觀察取而增減之爲續圖經一書篇目悉仍胡志之舊而鐫板早燬迄今百有餘年流傳亦少同治甲戌之冬余銜恤里居邑侯王公叔雅議修縣志屬余具草余惟志家有著作之體有纂輯之體著作則謝未能纂輯所不敢辭也乃哀集羣書搜訪遺事

海鹽縣志

卷首

序

五

發凡起例伏案編纂舊事悉本前志而刪繁就簡譌者正之闕者補之新事則博採而審擇焉寒暑一周始獲畢事合圖表考錄傳記諸體成書二十有四卷五考首輿地辨方域也次食貨有土斯有財用也次典禮旣富而後教也次武備禮樂不廢兵戎也次祥異卽天變以驗人事也輿地考中水利海塘二事關邑利害尤鉅誌之特詳後之覽者庶幾知所重乎是役也分任採輯校訂者爲張銘齋孝廉鼎李存希明經承燾吳藹卿茂才椿壽及余弟用福新繪縣境各圖者爲長洲縣願誦清少尹緒洪書旣成就正於邑侯侯以爲然將付剞劂因識數語於簡端以爲序

光緒二年歲在丙子仲春之月三品銜候補四品京堂鴻臚寺少卿軍機處行走方略館纂修邑人徐用儀撰

海鹽縣志

卷首

序

六

凡例

一方州之書略同史裁職官選舉表體也人物傳體也與地食貨等類本是志體今仿五代史例稱考以避全書之總名名宦雖似傳體惟專記一時政績不詳前後與傳具本末者不同阮文達廣東通志陶文毅安徽通志皆稱爲錄合於朱子名臣言行錄之例今從之

一疆域形勢非圖不明此次所繪縣境各圖仿照同治中江蘇輿圖局測量之法以繩度地以羅經定向開方計里縮繪諸圖而山川境界悉得真形其舊境總圖仍首列焉

海鹽縣志

卷首 凡例

七

一職官仿班氏百官公卿表年經事緯之法合文武各官爲一表明以前以年號爲次而注明任年於下無者闕之 國朝則編年爲次其明時海甯衛官別爲一表以始至海鹽者爲綱其先代得官及後裔襲次悉註於下又備倭把總嘉靖以前任年無考並附於後

一選舉以正途爲重其由生員俊秀援例爲貢監者祇載有官職之人餘俱不載

一編次職官選舉乾隆十二年以前以圖經續圖經爲據道光二十年以前以伊府志于府志爲據兼攷他書參證異同而以新採續其後

一志與史相表裏宜詳事實而略文詞然碑記章奏之類皆關掌故今依圖經舊例附注本文之下以資考證至詩詞大都卽景寫情無關典要前人名作偶登一二無取繁多

一星野遼濶非該一邑嘉屬同爲越地古屬會稽郡入牛一度今併極度偏東度悉附於疆域仰觀俯察事本相因不另著篇以省繁瑣

一縣治爲一邑政事所出特標其目各項善舉公所亦卽附之此外若學官署則附於學校武職署則附於武備衛署則附於漕運鹽場署則附於鹽法各從其類以便

海鹽縣志

卷首 凡例

八

省覽

一名宦記一方善政所以誌遺愛也惟明時海甯衛指揮等官久居茲土其有建功他處及生平行誼足傳者並叙述焉

一闡揚往哲所以示信將來事必可徵文宜核實人物傳凡見諸府縣舊志者大都仍其原文亦有參考他書補載事實及刪節浮詞者其或得諸私家記載故老傳聞苟非品望眾著公論允符概不濫載不立儒林之目從伊府志例也

一范史始載列女其叙例云搜次才行尤高秀者不必專

在一操今從圖經例不分子目凡貞孝節烈以及閩懿
閩秀有足稱者並載之

一表彰忠節風化攸關咸豐同治間粵匪之亂邑之紳民
婦女死難者指不勝屈茲就其有案可稽者備載姓氏
分附於孝義列女傳後其有續行採訪者一併附入
一志中引用羣書及舊志者或載原文或加刪節悉標明
出處續載者以新纂別之有應參考辨證者則加案語
以期傳信

一引用舊志初見詳舉姓名以後概從省文如仇志圖經
之類

海鹽縣志

卷首

凡例

九

參校

舉

人張鼎

廩

貢

生李承燾

廩

生吳椿壽

候選

訓導

副貢

生徐用福

海鹽縣志目錄

卷首

縣舊境圖

縣境總圖

縣境分圖 七頁

縣城圖

防海轄境圖

永安湖圖

縣署圖

學宮圖

海鹽縣志

卷首 目錄

蔚文書院圖

卷一

縣表 附沿革考

卷二

職官表

卷三

選舉表

卷四

輿地考一

疆域 附形勢 分野

城池

附坊巷

市鎮

郵傳

鄉都

附橋梁

坊表

縣治

附養濟院

育嬰堂

漏澤園

卷五

輿地考二

山水

卷六

輿地考三

水利

海塘

歷代建築

海鹽縣志

卷首

目錄

二

卷七

輿地考四

古蹟

附第宅園林

冢墓

寺觀

卷八

輿地考五

風土

卷九

食貨考一

戶口 附保甲

田土

賦額 附蠲恤

卷十

食貨考二

役法

漕運 附海運

倉儲

屯田

鹽法

海鹽縣志

卷首 目錄

課程 附市舶

卷十一

典禮考

學校

壇廟

卷十二

武備考

兵制

歷代兵事

卷十三

祥異考

卷十四

名宦錄

卷十五

人物傳一

自漢至明

卷十六

人物傳二

國朝

卷十七

人物傳三

文苑

海鹽縣志

卷首

目錄

四

卷十八

人物傳四

孝義

附殉難士民姓名

卷十九

人物傳五

隱逸

藝術

流寓

仙釋

卷二十

人物傳六之上

列女

卷二十一

人物傳六之中

列女

卷二十二

人物傳六之下

列女

附貞孝節烈姓氏

殉難婦女姓氏

卷末

雜記

海鹽縣志

卷首

目錄


五

敘錄

縣舊境圖

海鹽縣志

卷首圖



一